

11 keluarga daif terima sumbangan UMP

BH COUNTRY) 29 JUN 2015 M/S 27

Kuantan: Seramai 11 keluarga fakir miskin sekitar Kuantan terpilih sebagai penerima sumbangan sempena Program Jejak Asnaf Fakir Miskin anjuran Universiti Malaysia Pahang (UMP) di sini.

Program dianjurkan Pusat Islam dan Pembangunan Insan (PIMPIN) universiti itu dengan bantuan Jabatan Pendaftar dan Persatuan Wanita UMP (Matahari) sempena Festival Ramadan.

Pengaruhnya, Dr Mahyuddin Ismail, berkata program itu memberi peluang warga universiti menyumbang sama ada dalam bentuk kewangan atau barang untuk diagihkan kepada asnaf terpilih.

"PIMPIN sendiri turun padang menghulurkan sumbangan seperti bantuan bekalan makanan, pencucian dan pakaian raya serta wang tunai RM300 untuk kegunaan bulan puasa dan persiapan menyambut hari raya tidak lama lagi.

"Program ini secara tidak langsung membantu keluarga terbabit meraikan hari raya dengan lebih ceria kerana ada di kalangan mereka tidak pernah menerima bantuan seperti ini sebelum ini," katanya ditemui ketika program serahan bantuan di Tanah Putih di sini, kelmarin.

Mahyuddin juga berkata, pihaknya akan meneruskan program sama sehingga akhir Ramadan dan beberapa keluarga miskin di kawasan persekitaran UMP Kuala Pahang turut terpilih menerima bantuan sama.